



GIG
CYMRU
NHS
WALES

Pwyllgor Gwasanaethau
Ambiwlans Brys
Emergency Ambulance
Services Committee

Adolygiad Gwasanaeth Gwasanaeth Casglu a Throsoglwyddo Meddygol Brys (GCTMB) a'r Elusen Ambiwlans Awyr Cymru (EAAC)

Beth ydych chi'n feddwl?



Amdanom ni

**Ni yw'r Pwyllgor Gwasanaethau
Ambiwlans Brys (EASC).**

Pwyllgor o holl fyrddau iechyd Cymru.

Cynrychiolir pob bwrdd iechyd gan ei Brif
Weithredwr ac mae Cadeirydd annibynnol
hefyd.

Rydym yn gyfrifol am gynllunio a sicrhau
(ond nid darparu) ambiwlansys brys,
gwasanaethau cludiant cleifion di-frys a'r
Gwasanaeth Casglu a Throsglwyddo
Meddygol Brys (GCTMB) i bobl yng
Nghymru.

Mae mwy o wybodaeth ar gael yma: <https://pgab.gig.cymru/>



Gwasanaeth Casglu a Throsoglwyddo Meddygol Brys (GCTMB) a'r Elusen Ambiwylans Awyr Cymru

- Mae'r GCTMB yn gweithio mewn partneriaeth ag Elusen Ambiwylans Awyr Cymru
- Mae'r tîm GCTMB (tîm clinigol a meddygol) yn cael eu cyflogi gan Fwrdd Iechyd Prifysgol Bae Abertawe (SBUHB) ar gyfer GIG Cymru ac yn gweithio gyda'r Elusen
- Mae GIG Cymru yn talu am staff GCTMB ac offer meddygol
- Mae gan y GCTMB staff meddygol hyfforddedig a medrus iawn, meddygon gofal critigol ac ymarferwyr gofal critigol (YGC/CCP) [parafeddygon a nyrsys]
- Mae'r holl staff wedi cael hyfforddiant arbenigol uwch fel eu bod yn dod â sgiliau achub bywyd ychwanegol i bobl Cymru, yn ychwanegol at lefel y gofal a ddarperir gan y gwasanaeth Ambiwylans
- Mae Elusen Ambiwylans Awyr Cymru yn cyflenwi'r hofrenyddion, canolfannau, cerbydau ymateb cyflym (CYC/RRV), peilotiaid, tanwydd a pheirianwyr tra bod GCTMB yn cyflenwi'r timau clinigol / meddygol

Beth yw'r GCTMB a beth mae'n ei wneud?



GIG
CYMRU
NHS
WALES

Gwasanaeth Casglu a
Throsglwyddo Meddygol Brys
Emergency Medical
Retrieval & Transfer Service



Gall damwain neu ddigwyddiad sy'n bygwth bywyd neu fraich neu goes newid eich bywyd. Gallai arwain at farwolaeth neu anabledd.

Mae'r GCTMB yn gweithio gydag Elusen Ambiwylans Awyr Cymru i ddarparu gwasanaethau gofal critigol arbenigol ar y safle i'ch helpu yn eich amser o angen.

Gallai hyn ddigwydd i unrhyw un, ac mae'n bwysig cael y cymorth cywir gan y bobl iawn a mynd â chi i'r lle iawn am driniaeth bellach cyn gynted â phosibl.

Ar gyfartaledd ledled Cymru, mae ymateb GCTMB yn cymryd 50 munud mewn awyren a 40 munud ar y ffordd.

Sut mae'n gweithio?

Bob dydd mae 4 tîm gyda mynediad i hofrenyddion a cherbydau ymateb cyflym (CYC/RRV) wedi'u lleoli yn:

- Caernarfon
- Y Trallwng
- Llanelli a
- Caerdydd

Dros nos, mae un tîm wedi'i leoli yng Nghaerdydd gyda mynediad i hofrennydd a CYC/RRV.



Teams	Location
1 x Meddyg Ymgynghorol ac 1 x Ymarferydd Gofal Critigol (YGC/CCP) neu 2 x YGC/CCP Bob dydd mae un Meddyg Ymgynghorol ac un YGC/CCP mewn un lleoliad a dau YGC/CCP yn y llall	Caernarfon diwrnod 12 awr
	Y Trallwng diwrnod 12 awr
1 x Meddyg Ymgynghorol ac 1 x YGC/CCP	Llanelli diwrnod 12 awr
1 x Meddyg Ymgynghorol ac 1 x YGC/CCP	Dros Nos Caerdydd 12 awr
2 x YGC/CCP	Caerdydd diwrnod 12 awr

Sut mae'n gweithio? (parhau...)



Mae Ymarferydd Gofal Critigol GCTMB (YGC/CCP) a Dosbarthwr wedi'u lleoli yn y ganolfan alwadau ambiwlans 24 awr y dydd i adolygu eich galwad 999 i weld a oes angen GCTMB arnoch.

Os oes angen gallant anfon tîm o unrhyw le yng Nghymru a gallant anfon mwy nag un tîm ar y ffordd (CYC/RRV) neu yn yr awyr (hofrennydd).

Cânt eu hadnabod fel Hyb Gofal Critigol GCTMB (HGCG/ECCH) ac maent yn cydlynu popeth.

Fideo esbonio byr (1m58e) yma:
<https://youtu.be/KMPoUanPale>

Os ydw i'n glaf, sut mae'r GCTMB yn dod ataf i?

Os bydd rhywun yn cael damwain neu ddigwyddiad:

- Gwneir galwad 999
- Bydd Ymddiriedolaeth GIG Gwasanaethau Ambiwlans Cymru yn ateb eich galwad ac yn trefnu ymateb
- Bydd eich galwad yn cael ei hadolygu gan Hyb Gofal Critigol GCTMB i weld a oes angen GCTMB ar gyfer y digwyddiad
- Os oes angen, ac ar gael, anfonir tîm GCTMB o'r ganolfan fwyaf priodol
- Mae GCTMB yn penderfynu mynychu mewn hofrennydd neu RRV ac a oes angen mwy nag un tîm
- Anfonir GCTMB o unrhyw ganolfan yng Nghymru neu o unrhyw le y maent eisoes yn hedfan
- Mae gwasanaethau ambiwlans awyr yng Nghymru a Lloegr yn cefnogi ei gilydd pan fo angen
- Bydd yr hofrennydd yn glanio mor agos â phosib at y claf
- Bydd GCTMB yn trin y claf/cleifion, gan gynnwys darparu gwasanaethau gofal critigol arbenigol
- Bydd GCTMB yn mynd â'r claf/cleifion yn syth i'r ysbyty cywir ar gyfer eich triniaeth

Beth yw diwrnod cyfartalog ar gyfer y GCTMB?

1,300

Galwadau 999 wedi eu derbyn gan YGGAC



1,100

Galwadau 999 wedi'u sgrinio gan GATMB



140

Galwadau 999 wedi'u brysennu i'w defnyddio gan GATMB



87

Galwadau eraill (nid 999) wedi'u brysennu i'w defnyddio gan GATMB



NODI

YGGAC yn anfon yr adnodd agosaf sydd ar gael ni waeth sut y defnyddiwyd gan y GATMB



13

Galwadau a nodwyd yn briodol am GATMB yn dilyn brysennu



10

Galwadau a ddyrennir i adnoddau GATMB



8

Galwadau a ddyrannwyd ac a fynychwyd yn y lleoliad gan GATMB



5

Cleifion wedi derbyn gofal critigol gan GATMB



3

Cleifion wedi derbyn gofal uwch gan GATMB



3

Achosion o angen heb eu diwallu (dim adnodd i'w anfon)



NODI

YGGAC yn anfon yr adnodd agosaf sydd ar gael ni waeth sut y defnyddiwyd gan y GATMB



Dim digon o GCTMB ar gael i drin tua 3 chlaf bob dydd

Rydym am gynyddu nifer y cleifion a all elwa o gael eu trin gan y GCTMB

Pam mae'r PGAB yn adolygu'r gwasanaeth nawr?

Rydyn ni eisiau gwneud yn siŵr bod y cleifion sydd ei angen yn gallu cael mynediad at wasanaeth ni waeth ble maen nhw'n byw yng Nghymru neu pan fydd ei angen arnyn nhw

- Gwyddom fod y GCTMB yn achub bywydau, felly rydym am drin cymaint â phosibl
- Gwyddom fod cleifion sy'n cael eu trin gan y GCTMB yn gwella'n well ac yn gynt
- Mae gennym bedwar tîm medrus iawn mewn pedwar canolfan sy'n cwmpasu Cymru gyfan ond mae rhai timau'n brysurach nag eraill
- Rydym am wneud yn siŵr bod yr arian sydd ar gael i ni yn cael ei wario yn y ffordd orau bosibl
- Mae'n bosibl y byddwn yn gallu cynyddu nifer y cleifion sy'n cael gwasanaeth drwy edrych ar sut mae'r gwasanaeth yn cael ei ddarparu a gwneud yn siŵr ein bod yn rhoi'r gwasanaeth gorau posibl
- Gwyddom bob dydd fod yna gleifion a fyddai wedi bod yn well eu byd pe baent wedi derbyn gofal tîm GCTMB
- Fel gwasanaeth Cymru gyfan, bydd GCTMB yn cael ei ddarparu i gleifion ble bynnag y bônt – ni fydd sut y darperir y gwasanaeth i gleifion yn newid.

Beth am Elusen Ambiwylans Awyr Cymru?

Mae'r Elusen a'r Ymddiriedolwyr am wneud y defnydd gorau o roddion a dderbynnir gan y cyhoedd ar gyfer yr hofrenyddion, canolfannau, cerbydau ymateb cyflym, peilotiaid, tanwydd a pheirianwyr.

- Mae hyn yn unol â rheolau'r Comisiwn Elusennau.
- Bydd contract hedfan newydd gyda Gama Aviation Plc yn dechrau ar 1 Ionawr 2024. Mae'r broses caffael wedi rhoi cyfle unigryw i'r Elusen (a'r GCTMB) edrych ar eu strwythur gwasanaeth presennol a dadansoddi a allent wneud gwell defnydd o roddion hael y cyhoedd trwy edrych ar y gwasanaeth yn wahanol.



Pam fod PGAB yn gofyn am eich syniadau?

Mae angen eich help ar PGAB i wneud yn siŵr, pan fyddwn yn cynnal yr adolygiad gwasanaeth, ein bod yn edrych ar y pethau cywir a'n bod yn deall eich barn

- Bydd hyn yn helpu'r PGAB i benderfynu beth i'w wneud nesaf
- Mae'r PGAB wedi cytuno i adolygu sut mae'r gwasanaethau'n cael eu rhedeg ar hyn o bryd i:
 - gynyddu nifer y cleifion sy'n derbyn gwasanaeth GCTMB heb newid canolfannau
 - archwilio pa opsiynau eraill a allai gynyddu nifer y cleifion a fydd yn elwa o gael eu trin gan y GCTMB, hyd yn oed os yw hyn yn golygu newid lleoliad y canolfannau
- Er mwyn gwneud penderfyniadau, mae angen y wybodaeth orau sydd ar gael ar PGAB ac mae angen ystyried yn ofalus a oes unrhyw newidiadau i'w gwneud. Mae'r wybodaeth a ddefnyddiwyd yn cynnwys y teithiau ambiwlans awyr o flynyddoedd blaenorol, rhagolygon y tywydd a'r gwahaniaethau ym mhoblogaeth Cymru yn enwedig yn ystod misoedd yr haf.

Ffactorau y bydd y PGAB yn eu defnyddio i ddatblygu opsiynau

Mae'r PGAB wedi defnyddio'r rhesymau canlynol o'r blaen ac eisiau gwybod a ydych yn cytuno â'r ffactorau hyn fel ffordd o helpu i benderfynu beth i'w wneud nesaf:

Cynnydd Iechyd

Dylai GCTMB fod mor effeithlon ac effeithiol â phosibl a dylai cymaint o bobl â phosibl gael gwasanaeth

Cyn i unrhyw newid ddigwydd, rhaid cael cynllun i GCTMB allu parhau fel ar hyn o bryd

Ecwiti

Dylai pawb yng Nghymru gael mynediad teg/yr un fath (yn gyfartal) at y gwasanaeth er mwyn elwa ar y canlyniadau arbennig

Mae ymateb effeithiol gyda'r CYC/RRV yn bwysig yn enwedig pan na all yr hofrenyddion hedfan ac i ddarparu gwell gorchudd yn ystod oriau tywyllwch

Dylem gael mwy o awyrennau sy'n gallu glanio lle bynnag y bo angen pan fydd hi'n dywyll

Sgiliau Clinigol a Chynaliadwyedd

Mae'n bwysig iawn ein bod yn gofalu am y staff ac yn gwneud yn siŵr bod hyfforddiant da ar gael i staff wneud y defnydd gorau o'u sgiliau uwch

Gwerth am Arian

Os ydym am ddatblygu gwasanaethau, rhaid i ni sicrhau eu bod yn rhoi gwerth am arian

Fforddiadwyedd

Fel isafswm, dylem wario'r un faint ag yr ydym yn ei wneud yn awr

Q2 a Q3 yn gofyn: Am y ffactorau ac a oes gennych unrhyw sylwadau ar y ffactorau?

Pa un o'r 5 ffactor hyn yw'r pwysicaf?

Ffactor	Pwysiadu
Cynnydd mewn lechyd	25
Tegwch/Ecwiti	25
Gwerth am arian	20
Cynnydd mewn lechyd	15
Fforddiadwyedd	15
Cyfanswm	100

Q4 yn gofyn: Ydych chi'n cytuno â'r sgoriau hyn?

Mae angen i ni fodelu opsiynau...

Mae'r opsiynau model arfaethedig y byddwn yn edrych arnynt yn cynnwys:

- Y canolfannau presennol a newidiadau i'r rhain
- Cael canolfan newydd yng nghanol gogledd Cymru (drwy gau canolfannau eraill)
- Syniadau neu senarios ychwanegol (i'w llywio gan y broses ymgysylltu)

Senarios i wneud y mwyaf o'r 4 maes allweddol sy'n gysylltiedig â gweithgaredd sylfaenol, sef:

- **Cwmpas y boblogaeth** (mae hwn yn wasanaeth Cymru gyfan, rydym yn gwybod bod y GCTMB yn achub bywydau, felly rydym am drin mwy o gleifion nag y gallwn ar hyn o bryd)
- **Defnydd o Gerbyd Ymateb Cyflym (CYC/RRV)** (ar adegau pan allai fod yn gyflymach gwneud hynny, gall weithio mewn tywydd gwael/nos neu pan na all yr hofrennydd hedfan ac mae ganddo allu 4x4)
- **Defnydd** (mae gennym bedwar tîm medrus iawn sy'n cwmpasu Cymru gyfan ond mae rhai timau'n brysurach nag eraill)
- **Angen heb ei ddiwallu** (gwyddom fod cleifion sy'n cael eu trin gan y GCTMB yn gwella'n well ac yn gyflymach, felly rydym am drin mwy o gleifion)

Q5 yn gofyn: Ydych chi'n meddwl bod unrhyw opsiynau eraill i'w modelu?

Yr hyn yr ydych wedi'i ddweud wrthym hyd yn hyn...

Rydym wedi gofyn i bobl roi sylwadau i ni ac i ofyn cwestiynau i ni, mae llawer wedi gwneud sylwadau ar y wefan: <https://pgab.gig.cymru/ymgysylltu/adolygiad-gwasanaeth-GCTMB/>. Rydym wedi cyfarfod â rhai grwpiau i glywed eu barn er mwyn sicrhau bod y cyhoedd, cleifion, staff a rhanddeiliaid yn gallu dweud eu dweud ar y mater hwn

Y pethau allweddol sydd wedi'u codi fel rhai pwysig i'r broses yw:

- Ymgysylltu ffurfiol â'r cyhoedd
- Tegwch a thryloywder
- Amrywiaeth o opsiynau

Mae pryderon wedi'u codi hefyd, gan gynnwys:

- Os caiff lleoliadau y canolfannau eu newid
- Canfyddiad o amseroedd ymateb hirach
- Diwallu anghenion gwahanol poblogaethau gwledig a threfol
- Awgrymiadau y dylid defnyddio amserlenni hirach ar gyfer data a gwahaniaethau tymhorol
- Dylai'r modelu hwnnw ystyried y tywydd ym mhob canolfan

Dweud eich dweud...

Rydym am i bawb yng Nghymru ddweud eu dweud am y gwasanaeth gofal critigol pwysig hwn

- Ni fydd unrhyw newid a wneir yn effeithio ar sut mae cleifion yn derbyn gofal tîm GCTMB
- Mae gennym rai cwestiynau i chi
- Bydd cyfleoedd i chi gymryd rhan
 - Sesiynau adborth ar-lein
 - Cyfarfodydd wyneb yn wyneb (cyhoeddus) ledled Cymru
 - Cwblhau holiadur
- Bydd y PGAB yn gwrando ar bopeth y mae pobl yn ei ddweud yn y broses ymgysylltu, yn ystyried yr holl ffactorau (Cynnydd Iechyd, Ecwiti, Sgiliau Clinigol a Chynaliadwyedd, Gwerth am Arian, a Fforddiadwyedd a defnyddio'r pwysiadu), i wneud y gorau o'r Cwmpas Poblogaeth, Defnydd CYC/RRV, Defnydd, ac Angen Heb ei Ddiwallu.
- Yna, bydd y PGAB yn penderfynu ar ddyfodol y GCTMB

Cwestiynau i chi...

?

Ydym ni wedi egluro pam fod angen i ni wneud y GCTMB yn well?

?

A ydym wedi meddwl am y ffyrdd cywir o wella y GCTMB?
(Os na, pam?)

?

A oes gennych unrhyw sylwadau ar y **ffactorau**?

(Esbonnir Cynnydd Iechyd, Ecwiti, Sgiliau Clinigol a Chynaliadwyedd, Gwerth am Arian, a Fforddiadwyedd ar dudalen 12)

?

A oes gennych unrhyw sylwadau ar **pwysiadu'r ffactorau** hyn? *(Gweler y tabl ar dudalen 13)*

?

A oes gennych unrhyw sylwadau ar yr opsiynau model arfaethedig y byddwn yn edrych arnynt:

Y canolfannau presennol a newidiadau i'r rhain | Cael canolfan newydd yng nghanol gogledd Cymru (drwy gau canolfannau eraill) | Syniadau neu senarios ychwanegol (i'w llywio gan y broses ymgysylltu)

Sut i ymateb...

Gallwch ddweud wrthym beth rydych chi'n ei feddwl drwy ddefnyddio un o'r dulliau a restrir isod:

- Llenwi holiadur gan ddefnyddio'r [ddolen](#) hon neu sganio'r Cod QR ar y dde
- E-bostio ni yn: EASCSERVICEReviewQueries@wales.nhs.uk
- Roi adborth i ni ar y ffôn neu wasanaeth ateb wedi'i recordio ar: : 01443 471520
- Gallwch ddarllen y wybodaeth lawn yn Gymraeg a Saesneg ar y [wefan PGAB](#).
- Os oes angen y wybodaeth arnoch mewn iaith arall neu wedi ei hargraffu, anfonwch e-bost atom EASCSERVICEReviewQueries@wales.nhs.uk

Adolygiad Gwasanaeth EMRTS -
Holiadur Beth wyt ti'n meddwl?



Diolch yn fawr